



Broj: 0101-2868-6/19

Sarajevo, 23.04.2019. godine

Na osnovu člana 69. stav (2) tačka c) i člana 70. stav (4) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, a na preporuku Komisije za provođenje postupka javne nabavke usluge – oglašavanje u dnevnim novinama putem konkurentskog zahtjeva, rektor Univerziteta u Sarajevu donosi:

ODLUKU

o poništenju postupka javne nabavke usluge - oglašavanje u dnevnim novinama

Član 1.

Prihvata se preporuka Komisije za javnu nabavku broj: 0101-2868-5/19 od 22.04.2019. godine i postupak javne nabavke usluge – oglašavanje u dnevnim novinama se poništava zbog nedovoljnog broja primljenih ponuda na osnovu člana 69. stav (2) tačka c).

Član 2.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Član 3.

Ova odluka stupa na snagu danom donošenja.

Obrazloženje

Na osnovu Odluke o pokretanju postupka javne nabavke broj: 0101-2868-1/19 od 09.04.2019. godine, Univerzitet u Sarajevu je pokrenuo postupak javne nabavke usluge – OGLAŠAVANJE U DNEVNIM NOVINAMA.

Za provođenje postupka predmetne javne nabavke, Odlukom broj: 0101-2868-2/19 od 09.04.2019. godine, imenovana je Komisija za javnu nabavku u sastavu: Mirza Mehaković, predsjedavajući, Mileva Pirić, član, Saša Madacki, član, a za zamjenske članove su imenovani: Azra Ramić, Miroslav Živanović i Dijana Smajlović.

Obavještenje o nabavci broj: 999-7-2-29-3-43/19 objavljeno je na Portalu javnih nabavki dana 11. 04. 2019. godine.

Slijedeći ponuđači preuzeli su tendersku dokumentaciju sa ispravkom obavještenja: Amplitudo d.o.o., Ekapija d.o.o., Oslobođenje servisi d.o.o., BBS EUROPE Glas Srpske a.d. Communis Media S d.o.o., Avaz-rot press d.o.o., N.I.G.D. Dnevne Nezavisne novine d.o.o., Imtec d.o.o., BH tehnika Agencija za komunikacije „Ebbe comms“. Komisija je utvrdila da su svi ponuđači dostavili potvrdu kojom dokazuju primjenu preferencijalnog tretmana domaćeg. Iz Zapisnika Komisije za javnu nabavku je vidljivo da u periodu koji je ostavljen za dostavljanje ponuda, nijedan ponuđač nije dostavio zahtjev za pojašnjenjem tenderske dokumentacije. Ugovorni organ je u postupku javne nabavke usluge predvidio održavanje e-aukcije. Obzirom da uslovi za održavanje e-aukcije nisu ispunjeni ista nije zakazana.

Komisija je konstatovala da ponuđač **Avaz-rot press d.o.o. Sarajevo, Tešanjaska 24a 71000 Sarajevo**, nije dostavio ispravnu Izjavu o tehničkoj i profesionalnoj sposobnosti iz člana 50. Zakona o javnim nabavkama („Službeni list BiH“ broj: 39/14) PRILOG V Tenderske

dokumentacije, obzirom da je predmetnu izjavu svojeručno ispravljao i dopisao navod koji Ugovorni organ nije predvidio u izjavi. Ponuđač je u dijelu izjave „da imamo minimalan dnevni tiraž veći od 20.000. primjeraka na teritoriji cijele BiH“ prepravio na način da je riječ „minimalan“ prekrizio i dopisao „prosječan“. Na taj način je neovlašteno izvršio prepravku tenderske dokumentacije te se izjava iz PRILOGA V ne može smatrati ispravnom. Shodno tome ponuda punuđača Avaz-roto press d.o.o. Sarajevo je tehnički neispravna i neispunjava uslove za kvalifikaciju. Ugovorni organ je u ovom predmetu nabavke predvidio zaključivanje okvirnog sporazuma sa tri ponuđača, a u skladu sa članom 32. tačka 4. Zakona o javnim nabavkama Bosne i Hercegovine („Službeni list BiH“ broj 39/14). Obzirom da je ponuda ponuđača Avaz roto press d.o.o. tehnički neispravna i neispunjava uslove za kvalifikaciju Ugovorni organ nema dovoljan broj tehnički ispravnih ponuda (a koji ne može biti manji od tri) da bi zaključio Okvirni sporazum, te shodno tome donio odluku iz dispozitiva.

Komisija za javnu nabavku je daje preporuku rektoru da se donese odluku o poništju postupka javne nabavke usluge putem konkurentskog zahtjeva – oglašavanje u dnevnim novinama

Iz gore navedenih razloga, primjenom člana 69. stav (2) tačka c) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH

Rektor

Prof. dr. Rifat Škrijelj

Dostaviti:

1. Oslobođenje servisi d.o.o. Branilaca Sarajeva 25, 71000 Sarajevo
2. N.I.G.D. Dnevne Nezavisne novine d.o.o., Braće Pišteljić 1, 78000 Banja Luka
3. Avaz-roto press d.o.o., Tešanjaska 24a, 71000 Sarajevo
4. Služba za računovodstvo i finansije
7. u dosije javnih nabavki
8. web stranica unsa.ba
9. a/a